

Obilježen 22. maj - Dan policije Tuzlanskog kantona

22.05.2020 12:19





22. maj - Dan policije Tuzlanskog kantona, obilježen je danas (22.5.2020.godine) polaganjem cvijeća i odavanjem počasti na spomen obilježjima na Slanoj Banji i ispred sjedišta MUP TK-a u Tuzli.

Ovim povodom, cvijeće su položile delegacije Ministarstva unutrašnjih poslova Tuzlanskog kantona, Uprave policije MUP TK-a, Skupštine TK-a, Vlade TK-a, Federalnog ministarstva za boračka pitanja, Gradske uprave Tuzla, porodica poginulih pripadnika MUP-a TK-a, Sindikata MUP-a TK-a, Kantonalnog saveza Udruženja pripadnika policije 92-95, Udruženja pripadnika policije 4. April Tuzla, te delegacija Udruženja Manevarac Tuzla.

Ministar unutrašnjih poslova Tuzlanskog kantona Sulejman Brkić i direktor Uprave policije MUP TK-a Safet Ibrahimović su ovom prilikom svim službenicima MUP TK-a čestitali Dan policije, u uvjerenju da će policijski službenici obavljajući izuzetno odgovoran i human poziv i dalje na profesionalan i efikasan način odgovoriti svim izazovima sa kojima se susreću, sa ciljem unapređenja stanja sigurnosti na području Tuzlanskog kantona i šire, prvenstveno u borbi protiv svih oblika kriminala.

Ovogodišnje obilježavanje Dana policije Tuzlanskog kantona održano je na skroman način, obzirom na proglašeno stanje prirodne nesreće i pandemiju izazvanu virusom COVID - 19, te naložene mjere od strane Civilne zaštite FBiH i TK-a.

Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>